

Aningaasanut inatsiseqarfimmi 2021-mi 2022-milu procenti aaqqiissutissaq

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat nr. 9, 1. juni 2017-imeersup akuersissutigineqarnerata kingunerisaanik ukiut tamaasa Naatsorsueqqissaartarfip procenti aaqqiissutissaq naatsorsortartussanngorpa. Inatsimmi § 2 malillugu procenti aaqqiissutissaq tassaavoq pisortani atorfillit ukiumi akissarsiffiusumi akissarsiaasa ukiup akissarsiffiusup siuliata siulianut naleqqiullugit allannguutaat. Procenti aaqqiissutissaq decimalimut ataatsimut naatsorsorneqarpoq.

Procenti aaqqiissutissaq inatsimmi § 1 Imm. 1. malillugu ukiumut isertitat, akileraarutit, akiitsuutit assigisaasalu aaqqiissutissaannut najoqqutarineqarsinnaavoq.

Inernerit

2021-mi 2022-milu aningaasanut inatsiseqarfinni procenti aaqqiissutissaq

	Procenti aaqqiissutissaq
Ukioq aningaasanut inatsiseqarfik 2021 (Ukioq akissarsiffik 2019) 102,8
Ukioq aningaasanut inatsiseqarfik 2022 (Ukioq akissarsiffik 2020) 102,2

Naatsorsuinermut assersuut

$$aki_{2022} = aki_{2021} \times procenti\ aaqqiissutissaq\ 2022 \div 100$$

2021-mi aki 512 kr.-nik annertussusilik 2022-mi aki nassaariniarlugu 1,022-mik amerlisarneqassaaq.

Taamaasilluni 2022-mi aki 523 kr.-nik annertussuseqassalluni.

Najoqqutaq naatsorsuinermilu periaaseq

Naatsorsuutini tunngavagineqartut Kalaallit Nunaanni pisortat akissarsialeriviannit Aningaasaqarnermut Sulisoqarnermullu Aqutsisoqarfimmit ingerlanneqartumit tunngaveqarput.

Procenti aaqqiissutissaq ukioq tamakkerlugu akissarsiani allannguutitut naatsorsorneqarpoq.

Akissarsialerivimmi nalunaarsuutit ilusilersugaanerat peqquaalluni naatsorsuutit ingerlaannartumik suliarineqarsinnaanngillat. Taamaattumik periaasissamut assigiinngitsunik, ataani nassuiarmeqartunik, aalajangersaasoqarpoq.

Akissarsialerivimmi nalunaarsuutit pingarnerit tassaapput:

- Isumaqatigiissutip normua: Akissarsianut isumaqatigiissut akissarsialerivimmi ataatsimik arlalinnilluunniit isumaqatigiissutinut normoqarsinnaavoq. Isumaqatigiissutip normua akissarsiat suut atorneqartussaanerannik malittarisassaqarsinnaavoq. Assersuutigalugu isumaqatigiissutip normua “Ajoqit – ilinniarsimanngitsut”-nik imaluunniit “SIK/HK fuldmægtigi”-nik ateqarsinnaapput.’
- Akissarsiap suussusaa – assersuutigalugu tunngaviusumik akissarsiat, qaangiuttoornermut tapit imaluunniit soraarnerussutisiat.
- Akissarsianut piffissarititat – assersuutigalugu 2016-imi qaammaat decembarimi akissarsiat imaluunniit ulla fjortanikkaartumik ukumi akissarsiat 15-issaat.
- Akunnermusiallit tiimii.
- Qaammamusialinnut atorfinitsisinerit agguarneri – assersuutigalugu ullup ilaannaanut sulisutut atorfinissimasut 0,5-imut agguarneqarput.
- Aningaasat katarsorneqarsimasut amerlassusaat.

Nalunaarsuutinik immikkoortiterineq

Pisortani atorfillit tassaapput kommunini aammalu Namminersorlutik Oqartussani (Namminersorlutik Oqartussat suliffeqarfiutai minillugit) atorfillit.

Akissarsiat allat soorlu nutserisut akissarsiaat, politikerit akissarsiaat, isumaginninnermi tapiissutit, soraarnerussutisiat, ilinniagaqarnersiutit, qatserisartut akissarsiaat assigisaallu akissarsialerivimmi aamma nalunaarsorneqgrartarput. Akissarsiat taamaattut naatsorsuutini ilaanngillat.

Procenti aaqqiissutissaq sulisut akissarsiaanni akissarsiat suuneri malillugit naatsorsorneqarpoq. Sulisitsisunit soraarnerussutisiat assigisaallu (ass. sillimmasiinerit) naatsorsuutini ilaanngillat. Akissarsiat suussusii

Aningaasanut inatsiseqarfimmi 2021-mi 2022-milu procenti aaqqiissutissaq – qupp. 2

tiiminngorlugit nalunaarsorsimanngitsut, assersuutigalugu soraarninngornermi (immikkut) pissarsiassat, ataasiartumik akissarsiat, tunuarnermi assigisaanilluunniit feeriaqarnersiutit aamma ilanngunneqanngillat.

Piffissani siuliini akissarsianut naqqiissutit, ukiumi pineqartumi imaluunniit ukiup pineqartup tulliata aallartinnerani akissarsiaappata, ilanngunneqarput.

Piffissami tiimit amerlassusaat tunngaviusumik akissarsiani akissarsiat suussusiisa katinnerisigut nassaarineqarput (piffissani pineqartuni tamani qaammammusialinnut atorfinititsinermi agguataarineq malillugu akunnerit 173,3 atuutsinneqarput). Aningasat amerlassusii tamakkiisut tunngaviusumik akissarsiani tapinilu akissarsiat suussusii ataatsimut katinnerisigut nassaarineqarput.

Tiimkippallaatut akissarsiakippallaatullu kukkusumik nalunaarsorneqarsimasorisat peerneqarput.

Piffissani tulleriinni amerlanerusuni tiimimut akissarsiat isumaqtigiissutit normuinut sanilliunniarlugit ukiup ataatsip ingerlanerani isumaqtigiissutit piffissanit qulinit ikinnerusunit atuutsinneqarsimasut ilanngunneqanngillat. Piffissat inummut ataatsimut arlalinnulluunniit nalunaarsuutaasinnaapput.

Procentip aaqqiissutissap naatsorsornera

Ullup ilaannaanut atorfinititsisoqarsinnaavoq, atorfinititsinerlu ukioq tamakkerlugu sivisussuseqanngissinnaalluni imaluunniit ukiup ingerlanerani akunnermusiaqarnermiit qaammammusiaqalernermut nikittoqarsinnaalluni. Tamanna sillimaffiginiarlugu ukiumi ataatsimi inummut ataatsimut ukiup ingerlanerani akissarsiat, tiimit suliffiusimasut qanorlu suliffeqarsimatigineq (piffissaq suliffiusimasoq, piffissaq tamakkerlugu sulisarnermut naleqqiullugu) katinneqarput. Taamaasilluni procenti aaqqiissutissaq agguaqatigiissillugu akunnermusiat qanoq ineriartornerinik takutitsisoq naatsorsorneqarpoq. Akunnermusiat qanoq suliffeqarsimatigineq malillugu naatsorsorneqarput.

Naqqiissutit allat

Qaammammusiallit tiimit suliffigisimasaat tamatigut eqqorlugit naatsorsorneqarsinnaanngillat, ilaatigut qaammatip qeqqani atorfinittoqarsimatillugu imaluunniit soraartoqarsimatillugu.

Piffissamilu pineqartumi akunnerit suliffigisimasat tunngavigineqarput. Taamaattumik piffissani pineqartuni akissarsiat suussusii tiiminut nalunaarsorneqarsimanngitsut ilanngunneqanngillat.

Isumaqtigiissutip normuani qaangiuttoornerit annertussusaanni allannguutit, nikerartumik sulisarnerit assigisaallu isumaqtigiissummi allanngortoqarsimanngikkaluartoq akunnermusiamut allanngortitsisinnaapput.

Isumaqtigiissutit normui annikitsunut amerlasuunut agguannikut (atorfimmi suliassaqarfíup ataatsip iluani isumaqtigiissutit normui amerlasuut) peerneqarsinnaapput, ukiumut ataatsimut isumaqtigiissummi ataatsimi piffissat naatsorsorneqartut 10-nit amerlanerusussaanerat pissutigalugu.

Signatur forklaring:
... Oplysninger foreligger ikke
.. Oplysninger for usikre til at angives eller diskretionshensyn
. Tal kan efter sagens natur ikke forekomme
0 Mindre end halvdelen af den anvendte enhed
- Nul
* Foreløbigt eller anslået tal

Saaffiginniffissaq
Gorm N. Pedersen
E-mail: gnpe@stat.gl

Procenti aaqqiissutissaq

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

